

胎產心法卷之下

脉訣論

上谷關純璽

脉經云。產後之脉寸口洪。疾不調者死。沉微。附骨不絕者生。又曰。沉小緩滑者吉。實大堅弦疾者凶。牢革結代及澀滯不調者不治。丹溪曰。胎前脉當洪數。既產而脉仍洪數者死。又曰。胎前脉細小。產後脉洪大者多死。予見產後多有洪數而生者。要知血虛之脉浮洪而數者居多。產後血虛。故現此脉。若不明以告醫。俗醫多誤認為外感。虛虛之禍在於頃刻。然此洪數之中自有和滑之象。非如牢疾而少胃氣之謂。故多死也。產經曰。胎前之病其脉貴實。產後之病其脉貴虛。胎前則順氣安胎。產後則補虛消瘀。此其要也。大凡孕婦臨產氣血動盪。胞胎迸裂。與常經離異。必有水先下。俗謂之胞漿。即養胞之液也。水下則胞裂而產。既產則氣血兩虛。脉宜緩滑。緩則舒徐。不因氣奪而急。促滑則流利。不因血去而枯澀。均吉兆也。若實大弦牢。非產後氣血兩虛所宜。實則邪實。大為邪進。弦為陰斂。宣布不能。牢為堅着。近乎無胃。皆相逆之脉。故凶。

產後大補須分虛不虛。全實三證論

全書云。丹溪曰。產後當大補氣虛。即有雜證。以未治之。此其意謂血氣隨胎而去。必屬大虛。故無論諸證。當以大補為先。其他皆可緩也。今產科所宗。無非此法。但產後氣血俱去。誠多虛證。然有虛者。有不虛者。有全實者。當隨證隨人。辨其虛實治療。不得執有成心。概行大補。以致助邪。此辨之不可不慎也。今予遵生化湯加減兼治之法。未嘗敢大補。而置諸證於緩治。觀暈厥總論中。塊痛未除。未可遽加蒼朮之語。概可知矣。又云。產後虛證。無非隨人元氣必素弱之人。

多有之。或於產後血氣既去而更弱者。亦有之。此當因人察脉。因脉察證。若脉氣形氣俱不足。此當以全虛治之。若形氣不足。病氣有餘。或兼火邪。或兼外感。或以飲食停滯。是亦虛中有實。不得不詳審而治。今予治全虛者。後立有加參從權生化湯等方。治虛中有實。亦立有隨證加減生化湯等方。隨其虛實以投之。是皆重虛而兼治者也。又云產後不虛證。或素日無病。或年少當時。或素耐辛苦。貧勞之質。此輩本無不足。及其一旦受孕。乃於腹中添入此物。故至氣血壅塞。為脹為嘔。是皆添設有餘之病。及其既產。始見通快。所留得去。仍復故吾。常人之產。此類極多。果何虛之有。或因內傷外感。難保必無。倘有所患。去之即愈。若概行大補。果能堪否。即臨盆帶去血氣。未免暫見耗損。然以壅滯之餘。不過皆護胎隨從之物。去者當去。生者旋生。不出數日。必已來復。此生化自然之理。何至是產皆虛也。若執云產後必當大補。則實實之病。必所不免。致輕者甚。甚者危矣。予謂少壯婦人。產後不虛。只用黑糖水湯。或少加以酒。去瘀可耳。原可不必服藥。即服生化湯一二劑。亦非大補實實之藥。有益無損者也。倘有內傷外感。生化湯因證加減用之。又云產後全實證。如外感風寒。頭痛身熱。便實中滿。脉緊實洪。大有力。此表邪之實證也。又火之盛者。必熱渴躁煩。或便結腹脹。口鼻舌焦黑。酷喜冷飲。眼眇尿管痛。赤脉見洪滑。此內熱之實證也。又鬱怒動肝。胸脇脹痛。大便秘利。脉弦而滑。此氣逆之實證也。又惡露未盡。瘀血上衝。心腹脹滿。疼痛拒按。大便難而小便利。此血逆之實證也。又凡富貴之家。保護太過。或過用人參著朮。以致氣壅。或過用糖酒炭火。以致內熱。或產本不虛。而妄用大補之藥。以致增病。此調攝之實證也。又或因產過食。恐其勞困。固令勉強。以致停蓄不散。此內傷之實證也。此上諸證。姑舉要者以見其概。然既有表邪。不得不解。既有火邪。不得不清。既有內

傷停滯。不得不開通消導也。今予治各證後。開生化湯中俱有隨證加減。一以重產。一以兼治。所謂道並行而不相悖。可保萬全者矣。

四物湯不宜產後論

凡產後諸病。古方多用四物湯加減。何以方中有芍歸之辛溫。佐以地芍之寒涼。溫寒適中。可謂無虞矣。不知四物乃女科雜證諸疾妙劑。若用於產後。大非所宜。予考方書之意。以為白芍用酒重複製炒。去其酸寒之性。但存生血活血之能。或再加黑薑辛熱佐之。有何不可。又謂芍藥性清微酸。而收最宜於陰氣散失之證。豈不為產後要藥。但觀其再製以酒炒。則他寒涼峻削之不宜用。概可知矣。予思芍藥初產三五日所當禁用。若產日已久。以酒製透。為他藥之佐。猶可。惟四物湯中。生地更涼。直走血分。且傷脾胃。為害愈甚。或云易以熟地補益真陰。則稱為至當。獨不思熟地性滯。更使血滯不快。雖有芍歸反行牽制。而少行動。亦非新產者所宜。蓋新產之婦。血氣俱虛。但存秋冬肅殺之氣。而鮮春夏生發之機。故最忌寒涼。大宜溫藥。以助資始。資生之源也。是以丹溪先生謂芍藥伐生發之氣。禁而不用。良有深意矣。予數世之概。以四物治產後者。胡不思乎。

生化湯論 附方

生化湯論曰。產後諸證。皆緣氣血驟下。元氣大虧。用藥不同常法。是以有虛極不能姑待者。則當峻補之中。加入溫行之藥。峻補則力大。而可宣通。溫行則流暢。而不凝滯。至於逐瘀之劑。即實證亦不可用。峻厲之藥。況產後大虛。恐血無主宰。一任藥力。便為崩而不止。虛則易脫。勢如覆水難收矣。夫人遇大病之後。血氣兩虛。猶當調補。況產後脾胃血氣之虛衰。更有甚焉者乎。

今之治產後者。亦云元氣因產而虧。運行失度。不免瘀血停留。致成諸疾。必以去瘀為先。瘀消方可行補。甚有用回生丹攻血塊。下胞衣。殞人性命者。此蓋止知專攻舊瘀。而不知新血轉傷之害。豈知塊固當消。而新血尤當生也。蓋專消則新血不生。專生則舊血反滯。予考新產諸方。莫若生化湯為產後第一妙方。其方芍歸桃仁溫中行血。善去舊血。驟生新血。佐以炙黑乾薑。炙草引三味入於肺肝。行中有補。化中有生。故名生化。蓋因功用而立名也。又有加入益母草一錢五分。功效亦同。此實治產之良方。保全產婦之聖藥也。故馮氏因此方之妙。變化用於臨產。如人參桂牛膝紅花。又為催生之神劑矣。

生化湯方 凡孕婦臨月。即預備生化湯一劑。俟臨產之時。即為預先煎。就產下。隨服二三道。以逐瘀生新。再無產後諸症之患。無論正產半產。雖少壯產婦。俱宜服之。故此湯為產後七日內要藥。倘產下之時。未及煎服。凡產後諸證。仍以此湯治之。

全當歸

八錢酒洗

川芎四錢

乾薑

四分炙黑存性

桃

仁十粒去皮尖打碎

炙草

五分

水二鍾煎七分。如酒小半鍾。如素日不能飲酒者。加六七茶匙。稍熱服之。其藥渣留。并後貼藥渣合。而再煎。兩貼共三煎。在產下一二時辰內。未進飲食。先相繼煎服。能速化舊血。而驟長新血。不特可免目前暈厥汗崩惡露停滯等患。且諸病不生。精神百倍矣。如胎前素虛之人。產後又當再製兩貼煎服。以防倦怠。若產下已服一二貼。而塊未除。仍當再進幾貼。則塊痛自消矣。

調攝論

凡孕婦產畢。血氣未定。不宜睡倒。不宜側坐。須牀頭厚鋪衲褥。高倚仰靠。宜整膝。不宜伸足。並遮圍四壁。使無孔隙。免致賊風為害。倘閉目睡倒。或忿怒逆氣。即令人眩暈也。再用醋塗鼻房中。或用醋炭更燒以漆品。輕輕以手從心按摩至臍。則惡露盡下。又何血暈血逆之有。常見人產畢。即熱飲童便一盞。又有三日內。以童便和酒溫服五七次。子謂酒雖能下惡露。行乳汁。產後臟氣方虛。即素日善飲者。亦不可多飲。并不可產畢即飲。蓋恐引血入四肢。或引上行。能令血暈。至於童便味臊而性涼。如胃氣弱者。得臊氣而嘔惡。裏無火者。得涼性而滯血。且能傷胃氣。均非所宜。不若預煎生化湯產畢即服為妙。或用紅糖滾水沖化頻飲。以行其瘀。時食白米薄粥。煮石首魚甘澹食之。如此調攝。自無事矣。有人先於臨月時。用有毛淡菜十餘個。紙包吊風處二十餘日。陰乾勿令人知。產下即煎湯一鍾熱服。再不生病。

生化湯

見本卷生化湯論後

產後禁忌論

凡生產既下。不必問是男是女。恐因言語而泄氣。或以愛憎而勞神。最忌大喜大怒。喜則氣散。或生紅汗。怒則氣逆。或生癰瘕。不可獨宿。恐致虛驚。不可刮舌。恐傷心氣。不可刷牙。恐致血逆。勿勤梳頭。恐頭皮作痛。須氣血平復方可治事。犯時微若秋毫。成病重如山嶽。

凡初產其牛羊猪肉雞鵝鴨肉及蛋并猪蹄猪腎豇豆涼粉蕎麥麵食等類。一切滯氣堅紮難化之物。及生冷膩滑皆不宜食。恐新產脾胃氣虛難於運化。易致內傷也。

凡產逢暑月。切不可當風睡卧。最忌貪涼用扇及洗足澡浴。雖盛暑不可用冷水洗手足。凡新產驟虛。最忌着寒。寒則血氣凝滯。諸變冗生。每致飲食不化。腹痛作瀉。此時欲去其瘀。則

正氣並脫。欲止其瀉。則瘀結不行。可不慎歟。治法見後泄瀉門。

凡產後逢冬月。宜重棉兜護其腹。雖夏月亦當複中裹之。以免厥陰受寒。

凡產後百日内。不啻富少勞碌。禁淫慾。終身無病。而且多子。若未滿百日交合。則虛羸百病。從此而生。必患臍下虛冷。手足腰腿痠痛等證。名曰辱勞。最難治療。

凡產後勿用椒薑艾酒。雖血塊得熱流通。然新血為之不宜耳。即砂仁湯亦能動血。咸在禁忌。產後乳汁。乃血氣所成。不可食鹹鹹能止血。令無乳汁。且發嗽難治。

產後南北風土不同。江以南新產後即食雞子。雖告之以利害。相沿成習。毫無疑懼。且竟多安然無事者。予亦只得隨俗。令其豁開淡煮而食之。尚有養胃却痰之功也。

產後藥誤須知

產後勿輕用烏藥香附木香。及耗氣順氣等藥。用之反增滿悶。雖陳皮用不可過五分。

產後勿輕用青皮厚朴山查枳殼陳皮。消食藥多損胃減食。即枳殼香砂等丸亦多損氣血。

產後勿用青皮枳實蘇子。以下氣定喘用之元氣必脫。

產後浮麥傷胃耗氣。五味能阻惡露。棗仁油滑致瀉。均為禁忌之品。

產後身熱誤用黃芩黃連黃柏梔子。損胃增熱致不進飲食。且黃芩苦寒。無論惡露淨與不淨。皆非所宜。

產後四日内。未服生化湯。以消血塊。勿先用人參蒼朮。致塊不除。

產後勿輕用牛膝紅花蘇木枳殼等類。以消塊尤忌多用獨用。至於三稜莪朮枳實山查等峻藥更不可用。若誤用。舊血驟下。新血亦隨之而損。禍不可測也。予每見俗用山查一味煎汁以

攻血塊致成危證。頻服兩三貼必死。

產後勿輕用生地黃以滯血路。

產後不可用大黃芒硝以通大便。反成膨脹。

產後不可用五苓以通小便。用之愈閉。

產時不可用濟坤丹以下胞胎。

不可信婦人良方。及產保百問。俗醫多有守此二書。以治產。用芎歸白芍生地。誤人實甚。餘可知矣。凡人有疾病。多有求卜以問吉凶。並卜何方何姓人醫治可愈。此蓋人不明醫理。不知醫者孰良孰庸。亦無可如何之計耳。豈知竟有醫卜相通。醫求卜薦。許以分謝。卜者貪利。假神道以指引。因卜而薦。誤人性命。比比然也。產後之證。吉凶在於頃刻。不可不知而慎重也。

三衝論

產後危證。莫如敗血三衝。其人或歌舞談笑。或怒罵坐卧。甚者踰牆上屋。口齧拳打。山腔野調。號佛名神。此為敗血衝心。多死。醫通云。花蕊石散最捷。琥珀黑龍丹亦效。如雖悶亂。不致顛狂者。失笑散加鬱金。子謂當於妄言妄見。門參看治療。

若其人飽悶嘔惡。腹滿脹痛者。謂之衝胃。醫通云。用平胃散加薑桂。往往獲效。不應送來復丹。嘔逆腹脹。血化為水者。金匱下瘀血湯。子謂當於飽脹嘔逆等門參看治療。

若其人面赤嘔逆。欲死為之衝肺。醫通云。二味參蘇飲。甚則加芒硝湯滌之。子謂當於口鼻黑衄。門參看治療。

大抵衝心者十難救一。衝胃者五死五生。衝肺者十全一二。其醫通所用金石。及峻藥等治法。

亦無可如何之思。與其視死。不若救生之意耳。予謂治此等證。宜用生化失笑抵聖等類平穩藥。當亦通神。至來復黑龍等丹。花蕊平胃等散。及下瘀血湯。均未敢輕用。姑錄之以備參考耳。

來復丹 治上盛下虛。裏寒外熱。及伏暑泄瀉如水。

硫黃 同硝石為末。銀石器內。漫火炒。柳木然之。不可猛火。以傷藥力。硝石

太陰元精石 水飛 青皮 去穰 陳皮 去白 各一兩 五靈脂 二兩 水飛去砂石。澄定。晒

右為末。古法以醋和丸。米飲下。因醋易衝壞。今改用米飲。糊丸如梧子大。每服三十丸。空心

醋湯下。

二味參蘇飲 治惡露入胞。脹大不能出。及產後敗血衝肺喘滿。面赤幾死者。

人參 二錢 蘇木 四錢 碎

水煎服。又有入童便熱服。一方人參一兩為末。蘇木一兩槌碎。水碗半。煎蘇木水一碗去

渣。調人參末。隨時加減服。大便溏泄者禁用。

花蕊石散

失笑散 俱見中卷。胞衣不下門。

琥珀黑龍丹 見中卷。催生門。

平胃散

金匱下瘀血湯 俱見上卷。諸痛門。

生化湯 見本卷。生化湯論後。

抵聖湯 見本卷。氣逆嘔吐不食門。

產後不宜汗下利小便論

產後陰血驟下。陽無所附。孤陽外越。每多發熱。此乃陰虛生熱。切勿作外感而表散。生化湯善能退熱。以其內有薑草。所謂甘溫能除大熱也。故產後雖有表證。一切風藥性升。不可用。恐載血上行。令人發暈。且慮重竭其陽。必至汗脫而死。即佛手散中。川芎辛散。能發汗走泄。亦須臨時因證審酌用之。產後陰血既虧。津液自少。況臨產勞倦氣虛。虛則傳化自遲。二腸枯燥。勢所必然。久則自復。或用生化湯養血兼生津助液。亦可。故產後雖二便暫有不甚通利。然於下利等藥。必須禁用。非特硝黃五苓難於輕試。即四物湯中。生地芍藥純陰。而伐生氣。且作瀉而凝血。五苓利水傷陰。愈通之而愈枯結。若誤用而重亡其陰。難免孤陽無輔而走脫矣。故機要有云。胎產之病。從厥陰無犯胃氣。及上下二焦。不可汗。不可下。不可利。小便也。

生化湯

見本卷生化湯論後

新產三審論

凡治產後三審。不可缺也。一審少腹痛與不痛。以徵惡露之有無。二審大便通與不通。以徵津液之盛衰。三審乳汁行與不行。及飲食多少。以徵胃氣之充饒。審斯三者。以脉參證。以證合脉。脉證相符。有疾治之。即愈。脉證相反。縱無危候。必多變端。即如產後惡露。常以彌月為期。然間有六七朝即淨者。又未可以概論也。此雖產母稟質不同。而因胎之所稟亦異。如胎息壯盛。則氣血盡歸其子。瘀血自少。胎息孱弱。則氣血涵養有餘。瘀血必多。亦有產時去多。產後必少。產時去少。產後必多。勢使然也。大抵常產之婦。開闔有權。產後子宮即閉。兒枕隨氣攻注。碎作小塊。續續而下。所以延綿日期。又有由於難產。過傷子宮。關闔廢弛。不能收斂。或下血塊大小形

色與茹無異。此名兒枕是也。全塊頓出。自無淋瀝之患。即有餘血盡歸溲便。如皂莢汁。少腹畧無痛苦。切勿認為產後瘀尚未行。妄行攻下。誤人性命。產後又有似乎兒枕痛者。摸之亦有塊。按之亦微拒手。人皆指為兒枕宿血。此大不然。夫胎胞俱去。血亦豈能獨留。蓋子宮蓄子既久。忽爾相離。血海陡虛。所以作痛。胞門受傷。必致壅腫。所以亦若有塊。而實非真塊。腫既未消。所以亦頗拒按。此治者當安養其臟。不久自愈。若有瘀服藥。生化湯為最。殿胞煎。或四神散亦可。若誤用蘇木。紅花。元胡。青皮之屬。反損臟氣。必增虛病。慎之慎之。予曾見孕婦產後少腹旁邊。以手按之。內有一條形如小黃瓜。斜長而硬。頗似瘀積。然無痛苦。產婦先以為瘀滯。後以為癥瘕。每愁成病。予開導之。云無痛苦。不拒按。是虛非實。血足自消。不須疑慮。遲數月果漸消沒矣。

殿胞煎 治產後兒枕疼痛等證如神。

當歸五錢

川芎一錢

茯苓一錢

炙

草一錢

肉

桂五分

水一鍾。煎八分。熱服。

如脉細而寒。或嘔者。加乾薑炒黃色。一錢。

如血熱多火者。去肉桂。

加酒炒芍藥一錢。

如脉弱陰虛者。加熟地三錢。

如氣滯者。加製香附一錢。

腰痛加鹽。

水炒斷絲杜仲。一二錢。

生化湯 見本卷生化湯論後。

四神散

見本卷腹痛門。

血塊痛論

產後血塊。是孕成餘血之所積也。夫婦人血旺氣衰。二七而天癸至。三旬一見。以象月盈則虧。行之有常。則曰經。有孕則經水不行。其餘血注於胞中。以護胎元。一月名胎胚。二月名始膏。三

月始成形而名胎。方受母血之蔭。胎形尚小。雖食母血而尚有餘汁。並前兩月之血積於胞中。日久成塊。至產時當隨兒下。或因產婦送兒送胞勞倦無力。或調護失宜。腹欠溫煖。至血塊日久不散。疼痛拒按。並宜生化湯助血行血。外用熱衣煖腹可也。慎勿輕服峻劑。至崩脫不救。

生化湯見本卷生化湯論後

暈厥論

凡產後暈厥二證。皆由氣血並竭。苟非急補。何能挽其將絕之元神。無庸疑議者也。但暈在臨盆。證急尤甚於厥。用藥不及。急救法救之。如其人微虛者。則眼花頭眩。或心下滿悶。神昏口噤。不知人事。少頃即蘇。或因亡血過多。以致虛火乘虛泛上。而神不清。身無所主。其陰血暴亡。心神失養。心與胞絡君相之火。得血則安。亡血則危。火上熾。故令人昏。胃火乘肺。故瞑目不省人事。是陰血暴亡。不能鎮撫也。經云。病氣不足。宜補不宜瀉。瞑目合眼。病悉屬陰。暴去有形之血。則火上熾。均宜頻灌生化湯。或從權急救生化湯二三貼。先補血分之虧。則塊化血旺。神清而暈止。大虛者。其證面白。眼閉。口開。手冷。多汗。神昏。六脉微細之甚。是氣隨血脫。而欲絕。當大劑人參。方可回陽。恐勢急而補陰不及。須以氣藥兼之。此陽生陰長之理也。從權急救。加參生化湯。或加參生化湯最效。如製藥不及。速用獨參湯兩許煎湯急救之。但得下嚥。即可望生。若少遲延。則無及矣。有人謂產後七日。方可用參。此愚昧詭傳。不知始自何人。萬不可信。但暈發頃刻而急救外治之法。又不可緩。速宜輕輕扶坐。勿令卧倒。或燒紅炭。沃之以醋。或燒舊漆器。令烟氣透入口鼻。即甦。急捏人中。靜以待之。元氣漸復。不可亂動。致令神氣散亂。或用韭菜一握切碎。入有嘴磁瓶內。將醋煎滾。澆入瓶內。急蓋瓶口。以瓶嘴向婦鼻孔。令氣透入鼻中。即甦。但

凡大病大虛之人。皆能作暈。產後之暈。因血去而名之曰血暈。實非因血而致暈也。若偏信古方。認暈證為惡血搶心。而輕用蘇木牛膝紅花等類。以及牡丹奪命等方。或認為痰大。而用無補消痰之方。誤之甚矣。俗治產婦。或因死胎及胎衣惡血上逆。搐嘔昏暈。用小便乘熱灌之。但得一口下咽。即止。設遇胃氣壯盛之婦。不畏臊氣。獲效者有之。然童便非能止暈回元。蓋取其下行舊路。降大消痰。考之方書內云。敗血流入肝經。眼生黑花。頭目昏暈。不省人事。此血熱乘虛。逆上凌心。故昏迷不省。氣閉欲絕也。服童便最好。此論但照管敗血。全不顧產虛。且有氣閉欲絕四字。豈童便可挽回元氣欲絕乎。即有惡血上逆。血滯等證。亦莫若生化湯。溫而行之。去瘀止暈之妙也。予見江南產科。有用當歸二錢。益母草一錢。人參二錢。紅花六分。炮薑八分。煎熱衝童便服之。以治暈。此方兼得之義。庶幾近之。如婦人有血暈之證者。不若於將產數日前。預前擇服八珍歸脾十全等類。調補氣血。臨產又用人參催生。補於未產未虛之前。產後無虛可乘。無暈可發矣。至於厥證在分娩之後。因產時用力過多。勞傷脾。孤臟不能注於四傍。故手足逆冷而發厥。經云陽氣衰於下。則為寒厥。厥氣上行滿脈去形。蓋逆氣上滿於經絡。則神氣浮越。去身而散也。宜大補回陽生化湯。連用二服。俟氣血旺而神復。厥證自止矣。又非偏補血分之可得而愈也。若服藥而口渴。另用參麥散以代茶。助津以救臟燥也。又有四肢逆冷。泄痢類傷寒陰證。不可用四逆湯。必生化湯。倍參煎服。或加熟附子一片。則可以止逆回陽。而見參歸之功矣。若血塊痛止而厥。滋榮益氣湯最效。凡暈厥乃產後危急二證。若新產塊痛未除。又未可遽加蒼朮。故急加人參從權以救之。俟暈止厥回。再去參以除塊痛。此要訣也。

凡兒方生下。母即昏暈不醒者。此時即有藥不能入口。遲則不救。其法急以極軟舊衣繫閉產戶。以知事婦女用膝抵住。勿令下面氣洩。又令一人一手挽住頭髮。一手捫住鼻口。勿令上面氣洩。俟稍轉畧有聲息。方用熱水擦氣。急服生化湯。

從權急救生化湯 治三等血暈。兼化瘀生新。

川芎錢三 當歸錢六或八 乾薑四分 桃仁十粒去 炙甘草五 荊芥穗四分炒黑

棗二枚。水煎服。勞倦甚。及血崩或汗多形氣脫而暈。加人參三錢。肉桂四分。急服一二貼。

其效如神。決不可疑。參為補而緩之。痰大。乘虛泛上而暈。加橘紅四分。虛甚。亦加用人參。

八分。肥人加竹瀝數匙。薑汁少許。

從權急救加參生化湯 治產後形色脫暈。

人參錢三 川芎錢二 當歸錢四 乾薑四分 桃仁十粒去 炙甘草五 荊芥穗四分炒黑

棗二枚。水煎服。血塊痛甚。加肉桂七分。渴。加去心麥冬一錢。五味子十粒。汗多加麻。

黃根一錢。如無塊痛。加蜜炙黃耆一錢。以止汗。傷麵食。加炒神麴八分。炒麥芽五分。傷。

肉食。加山查砂仁各六分。

加參生化湯 附大補回陽生化湯

人參錢二 川芎錢四 當歸錢八 乾薑四分 炙甘草五 桃仁十粒去

棗二枚。水煎服。此方產後諸危急證通用。一日夜須服三四貼。方能接將絕之氣。如產後。

三日內。塊痛未除。俟元氣稍復。已有生意。當去參。仍服生化原方。虛脫厥逆。汗多加人參。

三四錢。脈與形俱脫。將絕。必用此方。頻灌。厥而兼汗。加去心麥冬一錢。汗多渴甚。加。

三四錢。脈與形俱脫。將絕。必用此方。頻灌。厥而兼汗。加去心麥冬一錢。汗多渴甚。加。

去心麥冬三錢 汗多痰喘加竹瀝薑汁去皮尖杏仁十粒 汗多痰嗽聲重加桔梗去皮

尖杏仁各五分 無汗喘嗽氣短加製半夏一錢 去皮尖杏仁十粒 桔梗五分 汗多身熱

氣短加人參 左尺脈弱亦加人參 汗不止三四劑後加蜜炙黃耆一錢 一方川芎當

歸減半 名大補回陽生化湯 治新產厥證棗引連煎二服即效 若厥證作渴佐以生脈五

味飲代茶以救津液則渴減厥回

參麥五味飲 去五味子名參麥飲 又名 生脈湯 又名生脈散 又各生脈散

人參二錢 麥冬二錢 五味子七粒 煎湯作茶時時飲之 煎湯用銀器或砂器為妙

滋榮益氣湯 治血塊痛止而厥

人參 當歸 川芎 白朮 黃耆 熟地 麥冬 炙甘草

分四 五味子 川附子 一錢 各一錢 大便難加酒洗肉苁蓉一錢五分

水煎服 汗多加麻黃根炒棗仁 各一錢

生化湯 見本卷生化湯論後

八珍湯 見上卷諸痛門

歸脾湯 見上卷胞漏小產門

十全大補湯 見上卷胎不長養門

大補回陽生化湯 附本門加參生化湯下

血脫氣脫神脫三證論

產後暴崩。為血脫。氣短似喘。為氣脫。妄言妄見。為神脫。三證雖有。氣陽血陰之分。於精散神促無異。比前暈證。治可少緩。亦危證也。若非大藥急方。頻服失之者多矣。倘誤為氣實。痰大妄治。鮮有不殞生者。若勢急。並宜用加參生化湯。補中寓行。免致血虛之失。其血脫患崩一證。由衝任已傷。氣血未復。或因勞役驚恐。或因惡露未盡。固澁太速。以致停留。一旦復行。然經血大來。當看血氣。而辨血色之紅紫。視形色之虛實。如血多紫色有塊。乃當去之。敗血也。其少腹必脹滿。按之而痛止之。反能作痛。或致淋瀝。此不可言崩。只服生化湯。幾貼自愈。如鮮紅之血大來。乃驚傷心。不能主血。怒傷肝。不能藏血。勞傷脾。不能統血。血不歸經。血臟有傷。當以崩證治之。崩非經病。產婦得之。是為重虛。尤不可忽。故宜急治。用荆芫治崩湯。若有血塊痛而形色脫。或有汗。或氣促。宜服加參生化止崩湯。以益氣使陽生而陰血自旺。非十灰散之可止者。如血塊痛止。或產後半月外崩證者。又宜滋榮益氣止崩湯。或升舉大補湯。少佐黃連。墜大實血歸經。或用曾生升舉大補湯。亦妙。亦有少腹空痛。不可誤認有瘀。察其下血少而無紫塊者。是也。當以崩治。宜重用熟地。若小腹滿痛不已。而脈實大緊數者。此肝經已竭。肝氣隨敗矣。難治。腎通有治。產後崩中去血。赤白相兼。或如豆汁。用千金伏龍肝湯治之。其氣脫短氣似喘一證。因產所下過多。榮血暴竭。衛氣不能運行。獨聚於肺。肝腎不接。故令呼吸短促。語言不相接續。有似於喘。實非喘也。夫肺受脾氣。散精生脈。而通水道。呼吸所以清肅上下。調和榮衛。而為平。人若值產後血亡氣弱。浮脫於上。孤陽絕陰。無根將脫之兆。最為危候。惟大進參附。或可得生。世有妄論痰火實證。反用散氣化痰之方治之。必死。有塊痛者。當用大補回陽生化湯。連二三服。世人多疑參助喘不用。致不救者多矣。況同芫歸黑薑。不加蒼朮。萬無有失。要知人生於氣。氣壯

則根本固。而藏源者歛納於下。運行者強健於中。何有為喘為脹之虞。又有用人參加陳皮監制。則盜洩元氣。反致耗散。只可消導藥中監之耳。考全書貞元飲。亦治似喘妙藥也。如無塊痛。當用續氣養榮湯最妙。或倍參補中益氣湯。少佐熟附助參以治氣脫。攝氣歸元亦可。如氣虛兼寒者。宜大補元煎。或理陰煎主之。其神脫妄言妄見一證。因心肝脾三陰血少。而神魂無依也。然有謔語鄭聲之分。甚至發狂等證。統歸於妄耳。其輕者睡中呢喃。重者不睡亦語。或言日用尋常之事。或如見鬼狀。昏不識人。語言不休。此謔語之謂也。若虛甚而聲轉無力。言語不能接續。有頭無尾。一兩句即止。或重言疊語。說過又說。或如造字出於喉中。若鄭聲之輕怯。此鄭聲之謂。其精氣衰奪。更甚於謔語矣。夫人之心。藏神主血者也。而言乃心之聲。心有血而神存。則言不妄發。肝藏魂藏血者也。目得血而司視。則瞳瞭而視正。若夫產後氣血暴竭。而心神失守。故言語無倫。肝魂無依。則瞳眈妄見。況心為五臟之主。目乃百脈之官。虛證見於心目。則十二官各失其職。可知矣。是以視聽言動。皆成虛妄。當論產期塊痛有無。先後施治。方為得法。若分娩之下。後塊痛未止者。宜服寧神生化湯。確知瘀血不行。合失笑散同服。如痛止者。則服寧心定魄茯神湯。連進大補十數劑。生氣養血安神定志。服至元足。其病始愈矣。或以生地易熟地。而清心大寧君主之官亦可。病家毋求速効。勿信邪祟。若噴以法水。驚以法尺。多致不救。屢治此病。服八珍加炮薑十數劑方效。丹溪云。虛病猶似邪祟也。又云。欲泄其邪。當補其虛。此古人之確論。但人不能體認其意。反言攻補難施。若必攻邪盡方可言補。則誤矣。不特醫家治產後虛證。即高年及虛弱人。妄言妄見等證。亦當如是慎重也。產後間有敗血停積。上干於心。心不受觸。而有妄言妄語。如見鬼神者。此必心下脹悶煩燥昏亂。臥起不安。誤作中風治。必